

docriver 文川网
古籍书城
入驻商家
在文川网搜索古籍书城 获取更多电子书


中國方志叢書·華中地方·第一一五號

據清·周承弼等修王慰等纂
清·同治十三年修
民國二十六年重印本
影印

湖北省

公安縣志 (一)

成交出版社有限公司印行



公安縣志

弁言

邑舊志纂自遜清同治甲戌，去今六十四稔矣，陵谷變遷，政令改革，田賦戶口之數，鄉鎮圩里之稱，皆今昔懸殊，續修縣志，是誠當務之急，顧茲事體大，非嗟咄可辦，余篆守是邦，忽忽三載，每一念及，良深內疚，丁此非常時期，新志不易編纂，舊志散佚，有若鳳毛麟角之稀，每值

上峯及各方徵求，輒窮於應付，余甚懼其中梗也，夫木待春而發者，有本在焉，水待夏而溢者，有源在焉，邑新志固有稽於時，然殷因於夏，周因於殷，藉舊

docsriver 文川网
入驻商家 古籍书城

在文川网搜索古籍书城 获取更多电子书

志以爲本源，必然之事也，乃商彼都人士，博訪窮搜，務得一部，以爲翻印之具，書旣得，余檢閱一過，見其分門別類，綱舉目張，事詳明而詞簡約，洵哉一代信史也，故不事增減，一本廬山面目，以存其真，亦古人抱殘守缺之意、邑之人覽者、知所觀感、於新志急起而圖之，則此書之仍舊，抑亦翻新之先聲也歟。

· 工旣訖，書此以弁其端，

中華民國二十六年丁丑歲秋九月平江方擴軍識

公安縣志序

倪文蔚

公安爲岷江南入洞庭故道無崇山峻嶺之阻沮洛卑濕衆流所趨水漲輒成巨浸縣治倚堤爲固道光辛卯以後城被齧者屢矣官斯土者率以修防澹災爲務而圖籍之散失紀載之闕略百餘年來無暇過而問者周君壽農攝政之明年江漲大至城圯於水全境爲災君謀於都人士力主遷城之議申之臺司借帑鉅萬寓振於工經營凡四月而畢復以餘力蒐輯志乘將付剞劂問序於余且云是役也與遷城一舉相爲經緯余嘉君之言爲當乎作志之義也鄭漁仲曰古者記事之史謂之志昔商避河患仲丁遷囂河亶甲居相祖乙

圯耿史皆有述其存者獨盤庚三篇雖尙質之朝紀載或略亦安知非流離播遷圖籍散失後人無所據以爲攷與然則君所云云不誠爲篤論哉夫遷城大役也春秋之法有役必書遷城之役乃政所自出凡疆里之沿革田賦之等差人物之興替公私冊籍惟專城者司之今出政之地既定復綜其政之輕重緩急勒爲成書俾後之攬者得所藉手用心抑何厚耶君以朞月之任創百年未成之舉大災大役措注裕如固足爲君重已繼君治者籲懷茲新邑按其圖籍權夫政之輕重緩急偏者補之墜者舉之甚者改弦而更張之不下堂階從容就理行見畫里闢田賦充人物勃興災祲不作即謂

後日之公安公實貽之以安也是可書已

同治十三年歲在甲戌暮春之月

賜進士出身翰林院庶吉士前刑部江蘇司郎中知荊州府
事望江倪文蔚豹岑甫撰並書

公三身示



身二首

一

敘

周承弼

事有似因而實創者爲治於荒廢之後纂書於散亡之餘是也公安地沃饒而濱江豐歲則富樂甲一郡遇水潦城邑隳壞圖籍因之湮沉致爲治者時有更張之勞而紀事者更有無徵之嘆然旣已身任其責即不得不盡心乃職思有以彰前軌而示來茲同治壬申余蒞茲土甫下車目覩境內流離困苦狀蓋水之爲害已四十餘年至是而尤劇焉思邑自左公肇建以來代有名人今之所見迥不逮昔之所聞問諸故府舊志修於康熙辛丑版本俱失惟同治三年攝令袁君有重修之舉又甫及半而止惜其無成爰於遷城之際集邑士

公上二身二六
三二一
二
踵而輯之釐爲八卷分爲七十二門大綱舉細目張並繪新
圖付梓夫變古所以適今而居今不廢鏡古余之治公安適
當因創之交其所行之果能濟時而垂後不敢知也袁君之
志公安亦在因創之間其所行足以信今而傳後固已見其
梗概矣余之吏術學識誠不敢望袁君而惓惓災黎起羸蘇
困之意則先後同符閱者可冥契於簡牘間若曰此不過土
苴糟粕聊以備一邑之掌故則余與袁君之志事隱矣其修
書刊版之費同治初紳捐所存無幾災後不欲重煩民力特
爲請於

太守倪公捐助并自分俸以濟之乃得葺事蓋與遷城一舉

相爲經緯云

時在

同治十三年歲次甲戌五月既望

誥授奉直大夫同知銜權知公安縣事江都周承弼壽農甫
撰并書

六
五
身
六
三
二
七

四

序

袁鳴珂

同治壬申余宰漢川適川志告成余覽而慚甚因憶甲子夏
權公安慨邑志之不修者百五十年搜採之難倍於他邑爰
進都人士集貲修葺閱二載書未竣旋解任去後迄無踵而
成之者已歷七稔於茲矣前年冬周君壽農往攝邑篆余適
病臥未及晤送而心識周君之爲人清勤廉敏勇於任事是
書之成當屬於君蓋未嘗須臾忘懷也今果偕諸君子輯而
梓之復不沒余之微勞索敘於余余感君之謙不敢以不敏
辭獨念公安地勢低窪環江湖之巨流沿川峽之宗脈累年
暴漲建瓴而下堤屢築屢潰城旋修旋圯居人多鴻嗷之苦

邑乘鮮鳩集之日不有以改絃更張之則載胥及溺其何能
淑聞君近遷城於唐家岡邑高阜處也甫半載官署建廟社
立民居定憂者以喜困者以蘇而志書適成蓋有非常之功
必待非常之人而創始之與圖終則不可同日而語余治公
也久深知災患頻仍民貧地瘠每有興作絀於經費智者束手
嘆無能爲君於期年之間政通人和百廢具舉成前人未
竟之功貽後世無窮之福其識力爲何如哉夫遷城之役實
余力之未逮志書之成固余私心企望者也是不獨公邑士
民之幸即衰朽如余能不感興起舞乎微周君余將長抱慚
於漢川之志已

同治十三年歲次甲戌季春前知公安縣事山陰袁鳴珂
撰於鄂渚寓次

ノ
ト
ニ
馬
六
シ
ニ
イ

フ

docsriver 文川网
入驻商家 古籍书城

在文川网搜索古籍书城 获取更多电子书

原序

雷思歸

今大地皆志也而世所傳者隨州武功雍紀青齊隨州
編年近迂武功敘事近簡雍青河山百二十二足以作
其氣而止其爲文旁引雜出不能成一家言由是觀之
大地不必皆志也楚志昉自禹貢山海經惟言山川田
土貢賦物產以至詭異神奸今人所略古人所詳櫛
楚書始綜人理離騷九辨始侈聲歌而漢魏以來輿地
圖經往往不乏厥後袁崧有宜都郡記盛宏之有荊州
記庾仲雍有江記宗慄有荊楚歲時記羅含含湘中記
習鑿齒有襄陽耆舊傳郭中產有襄陽記鮑堅有南雍

記鄒閔甫有楚國先賢傳余知古有渚宮遺事范致明有岳陽風土記諸君子以該博閔廓之學發沈鬱藻贍之思高山仰止景行行止履其地者恍若曾遊想其人者欣如可作未嘗不惆悵終日也寥寥千古誰傳盛事而余友中郎始有公安志適錢令君屬之中郎文章言語俱妙天下是志也抉奇搜奧辨物核情絕無老博士一酸語予以爲獨類習襄陽予一至公安坐中郎及弟小修柳浪瀟碧館中玉篠絲楊長塘曲港晨晷夕鷺曝甲騰鱗觴詠晤言頗有習池氣味而四海爾天風期俊邁政足相當襄陽首敘人物中及山川公安僅僅江湖

數片白黃山一點青而已無隆中峴首鹿門楚望洞壑
林泉之勝以角其胷中之磊塊無司馬諸葛崔徐羊杜
皮孟之流以寫其神韻表其文采而垂後世雖然陵谷
遷變世界密移方言市券皆具妙語稗官小說皆成至
文而況以一代才作一邑志并廬不改文獻足徵何必
卑視時賢仰資異代也傳聞中郎爲子瞻後身嗟乎子
瞻不敢作三國史而中郎能爲一國志豈隔世精靈乃
更增益耶隨州武功始置之矣今公安所患若腐城而
嚙堤者莫如江水請以水道問中郎中郎起家尚書禹
貢導江東至于澧過九江至于東陵今江不入澧而入

荆江自夔門而下荆門勢浩瀚不可遏江之入澧也禹導之也江之入荆也不知何時江自導之也書曰雲土夢作又周官職方其澤藪曰雲夢曰土與藪其義自見昔以長江入九江故殺而漫今以九江入長江故扼而溢勢使然也業已不能復故道獨不可解瞽儒疑經之大惑耶又請以水利問令君令君生長澤國習水形情公安據油口上下數百里間凡十數口用洩江怒使四出耳今數百里皆堤矣水土激而盪風雨乘之上盪而下漏而決裂之勢成矣今口定不可鑿堤定不可去不曰善防者水淫之乎是或一道也油水出武陵白石山

與滄水會而孱陵城背油向澤其油水流公安西又北
乃入江是古城皆去江遠甚今割江脣而與之爭安能
當陽侯之波獨不可稍徙而築之高阜乎令君公忠廉
平爛於文辭通於經術而以身捍堤堤不爲動以浚開
渠渠不爲厲是必能辦此矣中郎絕慎許可清朝賢牧
列傳不數人而津津乎賢

原序

王七壽登

曩嘗見先輩巨公長者多矣平生所歷類有日記雖數
十年之久一言動之微可披籍而稽也蓋業荒於嬉而
進於勤故有記賓語於屏風之後驗風日於覆舟之餘

者率是物也治天下亦然擁方州之籍聚中祕之書可謂富矣日歷有記注之官太史受職方之副復爲之巡狩貢詩輶軒采風農車購遺黃車徵異其好學深思者又賈油素問計吏撰方言勤勤懇懇蓋慮前者之無傳而後者之莫考也由前言之一人之身之事且然況其大者乎由後言之天下之大且然況其小者乎夫一邑者小於天下而大於一人之身之事其不可以無所記使前無傳而後無考也的然矣公安自左公建邑以來紀載寥寥蓋宋以前無傳人焉明以前無傳政焉非無人與政也莫之傳故也予也嘗有志著述之業中更世

難素好零落歸臥林邱倥倥一老農耳邑侯何公泣茲
邑明足以造謀才足以立事忠足以勤上惠足以存下
殆有如昌黎所稱者而又留意邑故適有徵志之檄訪
舊乘不可得乃集紳士謀所以應上求而爲邑傳不朽
者吾友也家富左史之祕人擅龍門之才顧強起老農
旅側末行使供研摩編纂之役相聚數日凡例森如建
章宮殿畫地成圖矣乃各以事散去獨老農者寄迹城
堞鑿坏無所又念邑中舊事及今尙可知過此則益無
從問而邑大夫嘉惠吾邑所以爲不朽計意甚殷茲皆
不可負遂訪諸耆老之傳聞與平生所覩記不閱月敘

次成篇以復於何公予因是而不能無慨然也公邑中
郎舊志海內稱爲絕奇顧以鄙薄繼其後續貂彤玉顧
已知慚矣然以中郎之才當久盛之時官庀舊典家有
藏書猶需之三年乃克告竣也今茲取給於旬月之內
擴拾於焚畝之餘問諸官府或有如蒙穀所獻鐸椒所
述者乎而掌故無有也問諸私家或有如圈稱所傳汜
勝所記者乎而巾箱無有也萬卷之樓飛灰十乘之載
掃地憶鮮三篋借慳一鷗文史遜簿書之重黜耆謝諺
誕之遊徒牽率於物態囁嚅於時化是以臨筆睠顧吐
口期吃時哉時哉聖人所不能爲也此予所爲慨也然

而事本踈實指則多有若機捷讜舉識洞微言則可以稽古今考治亂察緩急審輕重析利害甄臧否明勸戒正好惡衡升降推正變猶明鏡鑒形形赴照而不設一形牟尼攝色色色映光而非住一色今第曰使前者得以傳焉耳雖蕞爾邑勤業好學之流於權衡政術藻鑒人倫亦豈遽出日記方言下哉

原序

楊之駢

余髫年讀書家塾極愛扶風地里志一篇長而遊歷四方所過通都大邑覽其山水緬彼人風往往質言以歌詠之而匪世南淹博未免甯爲闕略因思傳稱登高能

賦遇物知名必以耳目見聞叅之古今卷帙夫而後可
以深信不疑無媿卿大夫才也歲丙申春余謁銓得公
安令偶憶杜子美路危行木杪之句又范石湖孫黃渡
詩云棘刺近人牢閉眼泥塗兀馬緊扶鞍心竊訝爲匪
山城亦即澤國大約鮮可人意者及下車來土地袤延
風俗醇厚秀者事詩書樸者勤稼穡彬彬乎文獻區焉
則斯邑也其涵濡雅化已非朝夕之故余幸承乏是邦
苟不更進而噢咻之其何以仰副我

皇上子惠元元至意乃撫治五年四野桑麻空邨雞犬民氣
自覺和樂禮讓於以繁興余於是進紳士而謂之曰一

邑者天下之分天下者一邑之積今

聖天子擴從來未擴之疆圉

命廷臣纂修 皇輿圖攷遠而殊方絕域罔不並錄兼收
下自不遺夫一州一邑公邑舊志余嘗取而披閱之其
出袁中郎先生手筆者原序云屬兵燹茲已不可復覩
其爲前學博孫公續纂者亦未經卒業即前任何公肖
石所編輯今亦三卷僅存他若節孝若隱逸與夫藝文
諸篇悉皆殘缺放失邑志之修在今日難須臾緩矣爾
多士其謂之何諸紳士唯諾以闡揚美盛昭示來茲在
斯一役咸欣然色喜而退余於是發凡起例博采旁徵

殫日夕之力以究之大旨自山川上田外祇期約而該嚴而不濫夫昔者張魏公作事不滿人意紫陽綱目無貶詞讀者尙不無疑議一統志永平府名宦載有唐張仲素考慮龍節度前後三人皆張姓曰仲武曰允仲曰公素志乃合二名而曰仲素徒貽識者姍笑卽是以推可見著作家遺言徵事蓋兢兢難之非可苟焉已也余於是編每一搦管懼貽後來疑議姍笑必不肯稍有附會略爲矯誣舊文之可尋繹者更爲斟酌繁者汰之略者詳之間有增入取之多而核之審校魯魚分甲乙自去秋迄今凡十閱月而告竣襄其事者邑子衿龔子三

docsriver 文川网
入驻商家 古籍书城

在文川网搜索古籍书城 获取更多电子书

捷之力居多云今者登諸梨棗付之剗剗氏顯微闡幽
雖不敢云罔有遺漏而要欲以傳信而不以傳疑則是
書之作與余髫年所嗜長而詠歌區區之心不相刺謬
矣異日

輶軒所至倘有足供採擇用以黼黻隆平公邑之幸也夫
抑亦宰斯邑者之幸也夫是爲序

公 主 皇 女

美 子 宮 女

上 三 三